



M Soab a Wēnde, sek-ma ne F halaalã n yi F haraamã, la F sek maam ne F yuudlemã n yi zēng sēn pa foom

Yii a ‘Ali nengě (Wēnd yard be a yīnga), ti yamba b sēn gulse, n wa yě nengě, n yeele: ad mam kongame b sēn guls maamã, bi f sōng-ma, t'a yeele: rě yīnga mam ka na n wilgd-f gom-biisi, Wēnd Tēn-tuumã (Wēnd puusg la A tūlgr be a yīnga) sēn wilg maam, baa ti samdã sã n zao fo zugu, sēn zems wala Şur tãngã, Wēnd na yao-a n bas foom? A yeelame: «M Soab a Wēnde, sek-ma ne F halaalã n yi F haraamã, la F sek maam ne F yuudlemã n yi zēng sēn pa foom».

[Hasanun (be neere)] [A At-tirmiiziy n togs-a]

Ned n wa muumin-rãmbã naab nengě, a ‘Ali [bn Abu Ṭaalibe (Wēnd yard be a yīnga), sēn yaa yamba, la a zu-soabã rag n guls-a lame, n zems ne-a t'a ra a menga, n kō-a sor t'a tum n yao a menga, n bas a meng burkīndi, la a ka tar ligd ye, t'a yeele: Ad mam kongame n na n yao samd ning sēn be mam zugã, bi f sōng-m ne ligd ti m yao, maa f wilg maam la f tees-ma, ti muumin-rambã naab yeel-a Rě yīnga m ka na n wilg foom gom-biisi, Wēnd Tēn-tuumã (Wēnd puusg la A tūlgr be a yīnga) sēn wilg maam, ti samd sã n rag n zao fo zugu wala Şur tãngã bilgri, ti yaa Tayy'i buudã n so tãng-kãngã, Wēnd na yao-n bas foom la A pōsg foom n yi fãagrã, la a yeele: yeele: (M Soab a Wēnde, sek-ma) la F wenems-ma n zãag maam (ne F halaalã) ti m sek m meng ne rě (n yi) m na wa n lu (F haraamã) pugě (la F sek maam) ne Fo kũunã (ne F yuudlemã) (n yi zēng sēn pa foom) bōn-naandsã pugě.

<https://sunnah.global/hadeeth/mos/show/5884>

